

02 SEP 2001

PERDANA MENTERI HADIR MALAM DEKLAMASI ANGKASAPURI RTM

KUALA LUMPUR, 2 Sept (Bernama) -- Perdana Menteri Datuk Seri Dr Mahathir Mohamad malam ini menghadiri Malam Deklamasi Angkasapuri Radio Televisyen Malaysia (RTM) di sini.

Ketibaan Dr Mahathir dan isteri Datin Seri Dr Siti Hasmah Mohamad Ali disambut oleh Timbalan Perdana Menteri Datuk Seri Abdullah Ahmad Badawi dan Setiausaha Parlimen Kementerian Penerangan Datuk Zainuddin Maidin serta kakitangan RTM.

Beberapa artis terkenal termasuk M.Nasir, Ramli Sarip, Nora, Ramlah Ram dan Safura mempersembahkan puisi dalam bentuk nyanyian pada Malam Deklamasi Angkasapuri itu yang berlangsung selama satu setengah jam.

Paling menarik ialah sajak "Melayu Mudah Lupa" yang dibaca Perdana Menteri pada perhimpunan Agung Umno Mei lepas dipersembahkan dalam bentuk nyanyian oleh Safura.

Semua lagu puisi itu diiringi oleh Simfoni Orkestra RTM dan disiarkan secara langsung ke seluruh negara melalui TV1.

-- BERNAMA

AT DC NAK